

Los ntawm Thawj  
Tswj Hwm  
Thomas S. Monson



# Ua Hauj Lwm Pab tus Tswv nrog Kev Hlub

**T**us Tswv Yexus Khetos qhia hais tias, “Rau qhov tus uas khuv xim nws txoj sia, tus ntawd yuav tsis tau txoj sia, tiam sis tus uas tsis khuv xim nws txoj sia vim nws ntseeg kuv, tus ntawd yuav tau txoj sia” (Lukas 9:24).

Thawj Tswj Hwm Thomas S. Monson hais tias, “Kuv ntseeg tias tus Cawm Seej qhia peb tias yog peb tsis ua hauj lwm pab lwm tus kawg siab kawg ntsws, ces peb lub neej tsis muaj nqi heev. Cov uas ua neej nyob pab lawv tus kheej nkaus xwb yuav poob qab, thiab hais paj lug tias lawv xiam lawv txoj sia, tiam sis cov uas hauj lwm pab lwm tus ces yuav loj hlob thiab huaj vam—ces yuav cawm lawv txoj sia.”<sup>1</sup>

Los ntawm tej yam uas Thawj Tswj Hwm Monson hais, nws ua rau Haiv Neeg Ntseeg hauv Hnub Nyoog Kawg nco qab tias lawv nyob hauv tus Tswv txhais tes thiab cov koob hmoov mus ib txhis tos ntsoov cov uas rau siab ua hauj lwm pab lwm tus.

## **Kev Pab hauv lub Tuam Tsev**

“Peb ua hauj lwm tseem ceeb thaum peb sawv cev ua tej kab ke pab cov uas twb tso lub ntiaj teb no tseg lawm. Ntau lub sij hawm peb tsis paub cov uas peb sawv cev los pab. Peb tsis xav kom lawv ua peb tsaug, thiab peb tsis paub tseeb tias lawv yuav lees txais tej yam uas peb muab rau lawv. Tiam sis, peb ua hauj lwm

pab lawv, thiab los ntawm tus txheej txheem no peb thiaj li txais tau qhov uas tsis los ntawm lwm txoj kev: peb rais los ua cov neeg cawm seej saum lub Roob Xi-oos. Ib yam li peb tus Cawm Seej muab Nws txoj sia ua kev txi rau peb, peb ua zoo ib yam li ntawd, thaum peb sawv cev ua kab ke hauv lub tuam tsev pab cov neeg uas mus tsis tau tom ntej tsuas yog peb cov uas nyob hauv lub ntiaj teb los pab lawv.”<sup>2</sup>

## **Peb Yog tus Tswv Txhais Tes**

“Kuv cov kwv tij thiab cov muam, yeej muaj cov neeg uas xav tau peb txoj kev pab nyob ntawm peb ib ncig uas xav tau peb txoj kev pab, peb txoj kev txhawb nqa, peb txoj kev nplij siab thiab peb txoj kev ua siab zoo—txawm yog lawv yog peb tsev neeg, cov phooj ywg, cov neeg uas peb paub los sis cov neeg qhua los xij. Peb yog tus Tswv txhais tes hauv ntiaj teb no, uas twb raug txib kom mus pab thiab txhawb nqa Nws cov me nyuam. Nws yeej vam peb sawv daws heev. . . .

“Txoj hauj lwm uas peb sawv daws raug hu los ua twb yog ua hauj lwm pab tus Tswv Yexus Khetos.”<sup>3</sup>

## **Kev Pab Raws Li tus Cawm Seej**

“Nyob hauv Sab Ntiaj Teb Tshiab no, tus Tswv uas tau sawv rov los lawm tshaj hais tias, ‘Neej yeej paub tej yam uas nej yuav tsum ua nyob hauv kuv lub koom

txoos; rau tej hauj lwm uas nej tau pom kuv ua tej ntawd nej kuj yuav tsum ua thiab; rau tej uas nej tau pom kuv ua tej ntawd ntag nej yuav tsum ua.' [3 Nifais 27:21].

Peb foom koob hmoov rau lwm tus thaum peb pab lawv ib yam li "Yexus ntawm Naxales . . . uas tau mus thoob plaws ua zoo.' [Tes Hauj Lwm 10:38]. Thov kom Vajtsv foom koob hmoov pab peb nrhiav kev xyiv fab thaum peb ua hauj lwm pab peb Leej Txiv Saum Ntuj Ceeb Tsheej thaum peb pab Nws cov me nyuam hauv lub ntiaj teb."<sup>4</sup>

### Yuav Tsum Pab Lwm Tus

"Peb xav kom muaj cib fim pab lwm tus. Rau cov mej zeej uas tsis tshua muaj siab ntseeg los yog cov uas tsis tshua rau siab thiab tsis xav cog lus, peb thov Vajtsv pab peb nrhiav ib txoj kev pab lawv. Kev thov lawv pab ua ib yam dab tsi tej zaum yog qhov uas yuav ua rau lawv xav rov qab muaj siab rau ntseeg. Tiam sis cov thawj coj uas pab tau ua li no mas tej lub sij hawm lawv tsis xav ua. Peb yuav tsum nco ntsoov tias tib neeg muaj peev xwm hloov siab. Lawv muab lawv tej cwj pwm tsis zoo tso tseg los tau. Lawv hloov siab lees txim rau lawv tej kev txhaum los tau. Lawv tsim nyog tuav lub pov thawj hwj los tau thiab. Thiab lawv rau siab pab ua tus Tswv txoj hauj lwm los tau thiab."<sup>5</sup>

### Peb Puas Ua Txhua Yam Peb Yuav Tsum Ua?

"Lub ntiaj teb xav tau nej txoj kev pab. Peb puas ua txhua yam peb yuav tsum ua? Peb puas nco qab txog Thawj Tswj Hwm John Taylor cov lus uas hais tias: 'Yog nej tsis rau siab ua nej tej hauj lwm, Vajtsv yuav rau txim rau nej vim muaj tej tug uas tej zaum nej pab tau yog nej tau ua nej tej hauj lwm?' [Teachings of Presidents of the Church: John Taylor (2001), 164]. Muaj tej tus uas muaj ko taw uas qaug zog, yuav tau tuav lawv tes, yuav tau txhawb pab lawv paj hlwb, tau tshoov lawv siab, thiab tau cawm lawv kom dim. Cov koob hmoov nyob mus ib txhis tos nej. Nej lub cib fim yog qhov uas nej tsis yog cov saib xwb tiam sis nej koom tes ua hauj lwm . . . pab lwm tus."<sup>6</sup>

### LUS CIM

1. "What Have I Done for Someone Today?" *Liahona*, Kaum Ib Hlis Ntuj 2009, 85.
2. "Until We Meet Again," *Liahona*, Tsib Hlis Ntuj 2009, 113–14.
3. "What Have I Done for Someone Today?" 86, 87.

4. "The Savior's Call to Serve," *Liahona*, Yim Hli Ntuj 2012, 5.
5. "Saib Others as They May Become," *Liahona*, Kaum Ib Hlis Ntuj 2012, 68.
6. "Willing and Worthy to Serve," *Liahona*, Tsib Hlis Ntuj 2012, 69.
7. *Teaching, No Greater Call: A Resource Guide for Gospel Teaching* (1999), 12

## QHIA LOS NTAWM TSAB XOY NO

"Yog hais tias koj muaj kev hlub li Khetos muaj, ces koj thiaj li yuav npaj tau los mus qhia txoj moo zoo. Koj thiaj li yuav paub pab lwm tus kom lawv los paub tus Cawm Seej thiab ua raws li Nws."<sup>7</sup> Cia li xav seb puas xav thov Vajtsv kom koj txoj kev hlub cov uas koj mus xyuas loj tuaj. Thaum koj hlub lawv ib yam li tus Khetos, koj haj yam yuav muaj peev xwm ua hauj lwm pab tus Tswv thiab cov uas koj qhia.

## TUB HLUAS NTXHAIS HLUAS

### Kev Pab Neeg Thaum lub Caij Ntuj Sov

Los ntawm Elizabeth Blight

**M**uaj ib lub caij ntuj sov kuv tau siv sij hawm nyob hauv pej kum teb chaws pab cov me nyuam uas xav tau kev pab tshwj xeeb. Thaum kuv xub ntsib cov me nyuam, ua rau kuv ntshov siab heev. Kuv tsis tau txawj hais lawv yam lus, tiam sis kuv cia siab tias tus Ntsuj Plig yuav coj kuv kev thaum kuv nrog lawv sib tham. Thaum kuv paub ib tug me nyuam dhau ib tug, kuv kawm tias qhov uas yus hais ib yam lus txawv tsis yog ib qho uas tau thaiv kev hlub. Kuv tau ua si, luag nyav thiab xuas tes ua tej yam khoom nrog cov me nyuam thiab kuv hlub lawv kawg siab kawg ntsws. Kuv paub me ntsis txog kev hlub uas Leej Txiv Saum Ntuj Ceeb Tsheej muaj rau Nws cov me nyuam, thiab kuv lub siab muaj kev xyiv fab puv npo.

Thaum kuv pab lwm tus, tsis yog kuv hlub cov uas kuv pab xwb tiam sis kuv kuj hlub peb Leej Txiv Saum Ntuj Ceeb Tsheej thiab. Kuv paub tseeb hais tias "thaum nej ua hauj lwm pab nej tej neeg nruab ze ces nej tsuas ua hauj lwm pab nej tus Vajtsv xwb" (Mauxiyas 2:17). Kuv lub hom phiaj ntawm kuv txoj kev pab lwm tus, txawm yog kuv ua tej yam loj los yog ua tej yam me kom pab lwm tus yog kev qhuas Vajtsv (saib Mathais 5:16). Kuv cia siab tias thaum kuv pab lwm tus neeg, tib neeg yuav paub txog kuv txoj kev hlub Leej Txiv Saum

Ntuj Ceeb Tsheej thiab Qhov Kaj ntawm Khetos uas nyob hauv kuv.

*Tus sau zaj no nyob hauv Virginia, USA.*

## COV ME NYUAM

### Txoj Kev Txuas ntawm Kev Hlub

**H**ais kom ib tug neeg laus pab koj txiav 28 daim ntawv nyias nyias uas ntev, txiav txhua daim kom dav li 1 yas tes (2.5 cm) thiab kwv yees ntev li 8 yas tes (20 cm). Lub hli no, txhua hnuv cia li ua ib yam kom pab ib tug neeg paub tias koj hlub nws. Tej zaum koj pab tau koj niam koj txiv tu koj lub tsev los yog sau ib tsab ntawv zoo rau ib tug neeg zej zog.

Sau ntawv rau koj ib daim ntawv txog qhov uas koj tau pab ib tug neeg, ces cia li muab ntaub nplaum los yog kua nplaum ntawm ob sab kom ua ib lub voj voog. Koj txuas tau koj tej voj voog ua ke yog koj muab ib sab ntawm daim ntawv tshiab ntxig rau hauv lub voj voog uas koj tau ua hnuv tas los ua ntej koj siv kua nplaum los yog ntaub nplaum muab ob sab ntawm daim ntawv tshiab lo ua ke. Cia li saib koj txoj saw ntawm kev hlub ntev tuaj. Tej zaum koj tseem ntxiv tau tej daim ntawv rau koj txoj saw tom qab lub Ob Hlis Ntuj.

© 2014 los ntawm Intellectual Reserve, Inc. Ceev txhua txoj cai. Luam tawm hauv Teb Chaws Amelikas. Pub luam tawm ua lus Akiv: 6/13. Pub txhais ua lus Hmoob: 6/13. Kev txhais lus *First Presidency Message, February 2014*. Hmong. 10862 295



# Yexus Khetos lub Luag Hauj Lwm Los Saum Ntuj Los: Tus Tswv Yug Yaj Zoo

*Ua tib zoo thov Vajtswv kawm tej yam no thiab nug seb koj yuav tsum qhia dab tsi. Qhov uas koj to taub tus Cawm Seej lub neej thiab lub luag hauj lwm yuav ua rau koj txoj kev ntseeg Nus loj tuaj thiab foom koob hmoov li cas rau cov uas koj saib xyuas tom tsev? Kom tau ntaub ntauv xov xwm ntxiv, cia li txuas rau [reliefsociety.lds.org](http://reliefsociety.lds.org).*

**Kev Ntseeg, Tsev Neeg, Kev Pab**

*Nov yog ib zaj los ntawm tej zaj cov Mus Saib Xyuas Tom Tsev tsab Xov uas hais txog tus Cawm Seej lub luag hauj lwm.*

**Y**exus Khetos, tus Tswv Yug Yaj Zoo, qhia hais tias:

“Nej cov yog leej twg muaj ib puas tus yaj, yog ib tug ploj lawm, tus tswv yuav ua li cas? Nws yeej yuav tso cuaj caum cuaj tug rau tom hav zaub, thiab mus nrhiav tus yaj uas ploj lawm kom tau. . . .

“Kuv hais rau nej hais tias, . . . cov uas nyob saum ntuj yuav muaj kev xyiv fab txog ib tug neeg txhaum uas hloov siab lees txim” (Lukas 15:4, 7).

Thaum peb kawm tias Yexus Khetos yog tus Tswv Yug Yaj Zoo, peb yuav xav ua raws li Nws tus yam ntxwv thiab pab cov uas xav tau kev pab. Yexus hais tias: “Kuv yog tus tswv yug yaj uas zoo. Kuv paub kuv pab yaj thiab kuv pab yaj paub kuv. . . . Kuv txaus siab tuag theej kuv pab yaj” (Yauhas 10:14–15). Vim muaj Khetos txoj Kev Theej Txhoj, tsis muaj ib lub sij hawm thaum peb poob zoo es peb nrhiav tsis tau peb txoj kev mus tsev (saib Lukas 15).

Thawj Tswj Hwm Thomas S. Monson hais tias, “Peb muaj kev lav ris saib xyuas peb pab yaj. . . .

Thov kom peb txhua tus yuav pab lwm tus.”<sup>1</sup>

## **Los ntawm cov Vaj Lug Kub**

Phau Ntawv Nkauj 23;  
Yaxayas 40:11; Mauxiyas 26:21

## **Los ntawm Peb zaj Keeb Kwm**

**E**lizabeth Ann Whitney, uas tau mus rau thawj txoj kev sib ntsib rau Koom Haum Niam Tsev hais txog qhov uas nws hloov siab los ntseeg thaum xyoo 1830 hais tias: “Thaum kuv hnov cov Txwj Laug qhia txog txoj Moo Zoo, kuv paub tias ”yog tus Tswv Yug Yaj Zoo lub suab.”<sup>2</sup> Elizabeth tau ua raws li tus Tswv Yug Yaj Zoo lub suab thiab ua kev cai raus dej thiab txais kev pom zoo.

Peb kuj hnov tau tus Tswv Yug Yaj Zoo lub suab thiab qhia tau Nws tej lus qhia rau lwm tus. Thawj Tswj Hwm Monson hais tias, “Peb yog tus Tswv txhais tes hauv ntiaj teb no, uas twb raug txib kom mus pab thiab txhawb nqa Nws cov me nyuam.”<sup>3</sup>

Ib yam li ib tug tswv yug yaj nrhiav ib tug yaj uas poob zoo, cov niam tsev txiv tsev yuav nrhiav ib tug me nyuam uas tau ua loj leeb. Thawj Tswj Hwm James E. Faust

(1920–2007), tus Pab Cuam thib Ob hauv Thawj Pawg Thawj Tswj Hwm, hais tias: “Rau cov niam tsev txiv tsev ncaj ncees, rau siab thiab thov Vajtswv pab qhia lawv cov me nyuam uas tsis mloog lus, peb hais rau nej hais tias, tus Tswv Yug Yaj Zoo saib xyuas lawv. Vajtswv paub thiab to taub nej tu siab npaum li cas. Yeej muaj kev cia siab.”<sup>4</sup>

## **LUS CIM**

1. Thomas S. Monson, “Heavenly Homes, Forever Families,” *Liahona*, Rau Hli Ntuj 2006, 70.
2. Elizabeth Ann Whitney, nyob hauv *Daughters in My Kingdom: The History and Work of Relief Society* (2011), 128.
3. Thomas S. Monson, “What Have I Done for Someone Today?” *Liahona*, Kaum Ib Hlis Ntuj 2009, 86.
4. James E. Faust, “Dear Are the Sheep That Have Wandered,” *Liahona*, Tsis Hlis Ntuj 2003, 68.

## **Kuv Yuav Ua Dab Tsi?**

1. Qhov uas peb paub tias tus Cawm Seej yog tus Tswv Yug Yaj Zoo ua rau peb nyob kaj siab lug hauv peb lub neej li cas?
2. Peb yuav ua dab tsi kom pab cov uas “poob zoo” tsis tshua muaj siab rau ntseeg los yog cov uas tsis ntseeg li peb?
3. Kuv yuav ua li cas pab txhawb nqa cov niam tsev txiv tsev uas muaj me nyuam uas tau tso txoj moo zoo tseg lawm?